

順治皇帝出家詩

天下叢林飯似山。鉢盂到處任君餐。黃金白玉
非為貴。惟有袈裟披身難。朕為大地山河主。憂
國憂民事轉煩。百年三萬六千日。不及僧家半
日閑。來時糊塗去時迷。空在人間走一回。未曾
生我誰是我。生我之後我是誰。長大成人方是
我。合眼朦朧又是誰。不如不來亦不去。來時歡
喜去時悲。悲歡離合多勞慮。何日清閑誰得知。
若能了達僧家事。從此回頭不算遲。世間難比
出家人。無憂無慮得安宜。口中吃得清和味。身
上常穿百衲衣。五湖四海為上客。皆因宿世種
菩提。個個都是真羅漢。披搭如來三種衣。金烏
玉兔東復西。為人切莫用心機。百年世事三更
夢。萬里乾坤一局棋。黃袍換得紫袈裟。只為當
年一念差。我本西方一衲子。為何落在帝王家。
十八年來不自由。南征北討幾時休。我今撒手
西方去。不管千秋與萬秋。

歲次丁酉年孟夏

祭榮林



敬書